



Republika e Kosovës – Republika Kosova
Paneli Zgjedhor për Ankesa dhe Parashtrësia
Izborni Panel za Žalbe i Predstavke

Anr. 366/2019

Paneli Zgjedhor për Ankesa dhe Parashtrësia (PZAP), në panelin e përbërë nga gjyqtarët: Adnan Konushevci kryesues, Faton Ademi dhe Fejzullah Rexhepi anëtarë, me pjesëmarrjen e zyrtares së lartë ligjore Florije Krasniqi, duke vendosur përkitazi me ankesën e subjektit politik Partia Serbeve të Kosovës (PKS), paraqitur kundër Komisionerëve të Qendrave të Votimit në Komunën e Laposaviqit, për shkak të parregullsive në ditën e votimit, për Zgjedhjet e Parakohshme për Kuvend të Republikës së Kosovës, të mbajtura më 06.10.2019, në seancën e panelit të mbajtur me 10.10.2019, mori këtë:

V E N D I M

HUDHET e pasafatshme ankesa Anr.366/2017 e datës 08.10.2019, parashtruar nga subjekti politik Partia Serbeve të Kosovës (PKS), dega në Laposaviq, me të cilën ka kërkuar që të përsëritet votimi në Komunën e Laposaviqit, për shkak të parregullsive gjatë procesit të votimit, me datë 06.10.2019.

A r s y e t i m

PZAP-i, ka pranuar një ankesë me datë 08.10.2019, parashtruar nga subjekti politik Partia Serbeve të Kosovës (PKS), dega në Laposaviq, për shkak të parregullsive gjatë procesit të votimit me datë 06.10.2019, në ankesë theksojnë se në vendvotimet “1203b Vracevo, 1207b/01D Joshanica, 1202 b/01r Socanica, në Komunën e Laposaviqit ka pasur shkelje gjatë procesit zgjedhor, si votimi i dyfishtë, votim me letërnjoftime të skaduar të UNMIK-ut, si dhe votim me dokumente personale të Serbisë. Ne vendvotimin e cekur “1203b Vracevo” kryesuesja e këtij vendvotimi ka qenë Marina Salković, nga Lista Serbe, e cila gjatë gjithë kohës së procesit zgjedhor është sjellë në mënyrë agresive, me anëtarët e KVV-së si dhe vëzhguesit e subjektit politik PKS.

Ne vendvotimin “ 1207b/01D, kryesuesi i këtij vendvotimi Miroslav Miljković, nga subjekti politik PKS, është fyer dhe kërcënuar nga persona të subjektit politik Lista Serbe, për shkak se kryesuesi i këtij VV i ka parandaluar të votojnë me dokumente jo valide.

Ne vendvotimin ku kryesues ka qenë Dalibor Vukićević, nga Lista Serbe, janë shkelur rregullat zgjedhore ashtu që me vetëdije të plote ka lejuar disa persona të votojnë dy here ndërsa anëtarit të KVV-së nga SLS nuk i ka lejuar që situatën e cekur ta evidentoj në librin e ankesave. Ne vendvotimin 1201/02R shkolla e mesme në Laposaviq, ku kryesuese ishte Jovana Jakovljević, poashtu kanë ndodhur parregullsi, ku të gjitha këto nga kanë qenë nga Listës Serbe ndaj subjektit politik PKS. Këto parregullsi sipas parashtruesit të ankesës, i kanë paraqitur në staciononin policor në Komunën e Laposaviqit. Parashtruesi i ankesës ka kërkuar që në VV ku janë identifikuar vjedhjet e votave dhe janë bërë parregullsitë gjatë procesit zgjedhor të

përsëriten votimet. Lidhur me parregullsitë e lartcekura parashtruesi i ankesës ka propozuar që si provë të merren ankesat të cilat janë bërë në Dhomën Operative të KQZ-së.

PZAP-i, pasi që shqyrtoi afatshmërin e ankesës, gjeti se :

Ankesa është e pasafatshme

Për të gjitha parregullsitë që mund të paraqiten në ditën e votimit, ankesa mund të paraqitet në PZAP, brenda 24 orëve nga momenti i mbylljes së Qendrës së Votimit dhe se e njëjta është paraqitur pas afatit ligjor të përcaktuar me dispozitën ligjore të nenit 119 paragrafi 1 i LZP-së ku përcaktohet se " *Personi i cili ka interes ligjor në një çështje brenda juridiksionit të PZAP-it, ose të drejtat e të cilit janë shkelur për sa i përket procesit zgjedhor të rregulluar sipas këtij ligji ose rregullave zgjedhore, mund të paraqesë ankesë PZAP-it brenda 24 orëve nga momenti i mbylljes së qendrës së votimit, dhe PZAP-i, do të vendosë për ankesën brenda 72 orëve nga koha kur është pranuar ankesa*", si dhe neni 5 paragrafi 3 i Rregullave dhe Procedurave të PZAP-it, Rregullën Nr. 02/2015, ku përcaktohet: "*Ankesat në lidhje me procesin zgjedhor për ditën e votimit parashtrohen pranë PZAP-it, brenda njëzetekatër (24) orëve nga momenti i mbylljes së qendrës së votimit*".

Në rastin konkret ankesa është dorëzuar në PZAP, nga parashtruesi i ankesës me datë 08.10.2019, dhe se nga përmbajtja e ankesës rezulton se të gjitha pretendimet ankimore të parashtruara nga ankuesi ndërlidhen me procesin e votimit, në ditën e votimit me datë 06.10.2019.

Nga kjo rezulton se ankesa e lartpërmendur është dorëzuar në PZAP, pasi që ka kaluar afati ligjor për të parashtruar ankesë në PZAP, për parregullsitë në ditën e votimit sipas dispozitës së lartcekur ligjore, kjo nga fakti se afati për paraqitjen e ankesës ka qenë me datën 07.10.2019 deri në ora 19:00, ndërkaq ankuesi ankesën e tij e ka parashtruar në PZAP me datë 08.10.2019, që do të thotë se ankesa është parashtruar pas afatit ligjor të përcaktuar me dispozitën ligjore të nenit 5.3 të Rregullores Nr. 02/2015, lidhur me nenin 6 par.4 të Rregullave dhe Procedurave të PZAP-it, Nr.02/2015.

Duke u nisur nga arsyet e theksuara me lart në kuptim të nenit 118 dhe 119 të LZP-së dhe nenin 6 par.4 të Rregullave dhe Procedurave të PZAP-it, Nr.02/2015, paneli vendosi si në dispozitiv të këtij vendimi.

Paneli Zgjedhor për Ankesa dhe Parashtrësia

Anr. 366/2019 më datën 10.10.2019

Kryesuesi i Panelit

Adnan Konushevci

Këshillë Juridike: PZAP nuk do t'i pranojë kërkesat për ri-apelim, sepse vendimet e tij do të konsiderohen si përfundimtare. Prandaj, siç parashihet në Nenin 118.4 të LZP-së, ankesa në Gjykatën Supreme të Kosovës mund të paraqitet brenda njëzetekatër (24) orëve nga momenti i marrjes së vendimit nga PZAP-i.